

Concurs „Richard Agreiter“ – acuisiziun de scoltöres d’ert

Le Museum Ladin Ciastel de Tor, Aziënda Museums provinziai, organisëia en colaboraziun cun l’artist Richard Agreiter n concurs por cumpré scoltöres d’ert.

Le concurs é n provedimënt por sostigní la scoltöra contemporanea cun le fin de documenté y tigní sö tl tēmp les creaziuns artistiches dl Tirol storich.

Al concurs pó partezipé scolturs*ies, che de regola vir o laora tl raiun dl Tirol storich o damí dl Euregio – Tirol, Südtirol, Trentin - o ti trëi comuns ladins dla provinzia de Belun y che á n referimënt particular cun la cultura, la storia y la tradiziun de chisc raiuns.



Bandida dl concurs:

art. 1) La partezipaziun vëiga danfora la conescënza y l’azetaziun de dötes les condiziuns dl concurs.

art. 2) Le Museum Ladin Ciastel de Tor, Aziënda Museums provinziai, organisëia le **Concurs Richard Agreiter por cumpré scoltöres d’ert** tl contest dla Trienala Ladina vigni trëi agn.

Le concurs vëgn sostigní:

- dal Museum Ladin Ciastel de Tor
- dal’Aziënda Museums provinziai
- dal artist Richard Agreiter.

art. 3) Le concurs é davert a artisc*tes che de regola vir o laora tl Tirol storich o tl raiun dl Euregio – Tirol, Südtirol, Trentin - o tles valades ladines de Fodom y Ampëz y che á n lian particular cun la cultura, la storia y la tradiziun de chisc raiuns.

art. 4) La partezipaziun al **Concurs Richard Agreiter por cumpré scoltöres d’ert** é limitada a scolturs*ies che laora dantadöt cun chisc materiai: metal (brom, fer y i.i.), lëgn, ceramica, pera o zement.

art. 5) I*les artisc*tes che ó tó pert al concurs mëss dé jö al Museum Ladin anter le termo nominé tl articul 6) de chësc regolamënt, chësta documentaziun:

→ **Le formular de partezipaziun** (dac anagrafics, lista de operes cun prisc y i.i.) sciöche scrit dant t’ijnunta. Da mëte averda: tla candidatöra de partezipaziun é da dé dant prisc vincolënc por les operes d’ert che le*a artist*a pita al Museum Ladin!

→ **Fotos** dles operes ofrides

→ **Curriculum vitae**

→ Facoltatifs: **portfolios, catalogs** y i.i.

I*les davagnadus*ësses dl Pest Richard Agreiter dles ediziuns passades ne pó nia plü tó pert.

Vigni partezipant*a pó presenté al mascim trëi operes d’ert.

art. 6) La documentaziun mëss gní menada ite tres e-mail ala misciun ml.ml@pec.prov.bz.it o info@museumladin.it, dada jö personalmënter o ortiada por posta al Museum Ladin Ciastel de Tor, Aziënda Museums provinziai, Strada Tor 65, I-39030 San Martin de Tor (BZ). Ara mëss rovë a destinaziun anter y nia plü tert co i **04 de merz 2023 dales 12.00.**

Da mëte averda: la data dl timber dla posta ne vel nia!

art. 7) La comisciun é metüda adöm da 5 mëmbri, nominá dala direturia dl Museum Ladin Ciastel de Tor. Le iudize dla comisciun é definitiv y ne pó nia gní contesté.

Museum Ladin Ciastel de Tor
Strada Tor 65
39030 San Martin de Tor

info@museumladin.it
www.museumladin.it
Tel. 0474 524020

L'artist Richard Agreiter (o n rapresentant dla fondaziun), n*a espert*a de scoltöra y n scoltur*ia atif*a o n*a davagnadú*ëssa dl Pest Richard Agreiter dles ediziuns passades pó ester mēmbri dla comisciun.

I mēmbri dla comisciun mēss se tigní fora dala discussiun y renunzié ala usc por n*a concorēt*a te chisc caji:

- a) sce ëi é parēnc o cogná de chēsta porsona;
- b) sce ëi á atualmēnter o á albü ti ultims dui agn dan la reuniun dla comisciun n raport economich cun chēsta porsona.

Chēsta astenjiun vēgn anotada tla relaziun dla sentada. Al momēt dla reuniun dla comisciun él vigni mēmbri che mēss comuniché eventualmēnter súa relaziun de parentela o economica cun n*a concorēt*a.

art. 8) Por le Conkurs Richard Agreiter por cumpré scoltöres d'ert vēgnel metü a desposiziun 10.000,00 Euro (diescmile).

art. 9) L'opera o les operes d'ert chirida/es fora dala comisciun vēgn cumprada/es dal Museum Ladin, Aziēnda Museums provinziái, al prisc dé dant dal artist cina ala soma mascima de 10.000,00 Euro (cun l'IVA bele laite).

art. 10) La comisciun á la facolté y le dērt de cumpré cun le rest dla soma operes d'ert de atri*es partezipanc*tes al concurs.

art. 11) Le iudize dla comisciun ti vēgn ma comuniché al*a davagnadú*ëssa dl concurs. Le inom dl*a davagnadú*ëssa gnará ince publiché sön la plata internet dl Museum Ladin www.museumladin.it.

art. 12) Cun la partezipaziun al Conkurs Richard Agreiter autorisēia i*les partezipanc*tes le Museum Ladin Ciastel de Tor, Aziēnda Museums provinziái, de traté i dac personai, respetan les normes varēntes.

art. 13) Le*a artist*a chirí/ida fora dala comisciun dl Conkurs Richard Agreiter por compré scoltöres d'ert davagna le Pest artistich Richard Agreiter.



Richard Agreiter:

L'artist Richard Agreiter, nasciü tl ann 1941 da geniturs ladins dla Val Badia, é emigré a Steinberg am Rofan tl' Austria tratan l'opzion tl 1939. L'individualism, la tendēnza al etern y l'imutabilité é les cualites ezelēntes dl artist Richard Agreiter. Al ti stá al cör la figöra umana y la natöra. Cun na gran sensibilité descürel le mister dl'esistēnza umana. L'orenté dl artist é stada de ciagé n post nü por súa coleziun de operes d'ert. Lié a sües raisc ladines ti ál surandé súa coleziun al Museum Ladin Ciastel de Tor cun le fin de sostegní l'ert dla scoltöra. Tl panorama magich dles Dolomites y dla Val Badia á les scoltöres arcaiches y sensuales de Richard Agreiter ciagé n post ideal olache ares pó se spidlé.

Museum Ladin Ciastel de Tor
Strada Tor 65
39030 San Martin de Tor

info@museumladin.it
www.museumladin.it
Tel. 0474 524020

Chēsc regolamēt tol ite 2 plates.